

مطبعه و محل اداره :

جفبال اوغلنده امنيت
صندوغى جوارنده
شنگول يقوشنده
۲۵ نومبر

مشتاق

۱۳۲۶

افطار :

مسلكه زده و افق آثار
جذبہ مع الممنونيه
قبول اولنور

درج ايدلمه ين آثار اعاده اولنماز

ديره ، فلسفه ، علوم ، حقوق ، ادبيات ، تاريخ ، سياسيات ، و بالخاصه احوال و مشوره اسلاميه بحث ايدرو هفته ده بر نشر اولنور .

آبونه بدلى

صاحب و مؤسسلى :

درسعادتده نسخہ سى ۵۰ پاره در

ابوالعلا زين العابدين - ح . اشرف اديب
تاريخ تأسيسى

قيرلمه دن مقوا بورو ايله كوندريلىر سه سنوى
۲۰ غروش فضله آلنير

۱۰ تموز ۳۲۴

سنه لکى	التى آيلغى	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتیجی جلد

۷ ربیع الاخر پنجشنبه ۲۱ نيسان ۳۲۷

عدد : ۱۳۹

منافع اسلاميه نك مدافعه سي اوغورنده يازديني آثار كزیده سيله عالم اسلامه كنسديني طائمش اولان كبريج دارالفنوني معلملرندن خليل خالد بك افنديدن فوق العاده شايان دقت واهميت بر مکتوب آلدق كه بروجه زير درجه شتاب ايله بزده خليل خالد بكك مکتوبلرينك نهايتنده بيور قلري كي بوبابده مرجع عائدينك نظردقني جاب ايلر وقارئلر مذك فكلرليني يازوب كوندرملريني بالخاصه رجا ايدرز .

• سنه دوريه خلافت •

بونك تاريخ صحيحي هر نه ايسه بهمه حال بر يوم مخصوص اتخاذا اولمغه بحق شاياندر .

اويوم مخصوصده شريف مكه و خديو مصر حضراتي كي ذوات ايله تبريك تلغرافنامه لري تعاطي ايلمك ، اسلام ايله مسكون اولان بلاد اجنيه ده كي شهبندر خانه لر طرفندن معتبران مسلمة محليه ضياقلر چكلمك ، درسعادته زيارت اوزره بولنه پيله جك ارلان بلاه اجنيه يه منسوب مسافرين معتبره اسلاميه يه اكرام كوسترلك ، هانكي بر مملكت اسلامده اولورسه اولسون علم و اخلاق ، سياست و حماست كي اوصاف ايله تميز ايتمش ذواته طرف خلافت سنيه دن نشان و يرلك اقتضا ايتدكده اويوم مخصوصده ويرلك ، بلاد بعیده مشايخ قبائلندن مناسب اولانلرينه خلعت و هديه كوندرلك لازم كلدكده اويوم مخصوصده كوندرلك مصييدر ظن ايدر . ايشك عائداولديني مقام رسمي نره سي ايسه بوبابده نظر اهتمامني جلبه جرات ايدر .

مسرودات عاجزانه م حفته طرف عاليكزذن وياقارئلر . كزذن بعضيلري طرفندن بيان ملاحظه اولمسي بوبابده تنوير افكاره خادم اولور افندم . يكي كوي خليل خالد

محرم افندم

تاريخاً ثابت اولان وقايعدندر كه لواي اسلاميتك دوشكون اولديني بر زمانده شوكت عثمانی بر مدد رباني صورتنده آرتدي ، پادشاه آل عثمان خادم الحرمين عنواني احراز ايلدي و امانت خلافتي عهدۀ تقديسه آلدی . نفوذ خلافت اوللري قواي ماديۀ دولتك تزايدينه مدار اولمشيدي . اسلاميتك بر دين فطري اولديني ، معقولاته مستند و مخادنت بين الاقوامي مروج بولنديني اهل ادراك و تدقيق نظرنده اسكيسندن دها طوغري بر صورتده آ كلاشيلا مغه باشلاديقندن بوندن بويله دخي نفوذ معنوي خلافتدن وجوه عديده ايله فائده حاصل اوله جني اعتقادنده يم . اهل اسلام آره سنده آرزو اولنان اطراد حسياته بر شكل حقيقي ويره جك اك بيوك بر قوت وار ايسه اوده نفوذ خلافتدر .

بناء عليه خلافتك بويوك بر آل عثمان پادشاهنك يد همتيله احيا اولنديني كون مسلمانلر ايچون بريوم مخصوص اتخاذا اولمق مقتضاي قدر شناسيدر . شوسطرلري يازديغم آنده قوه خلافتك هانكي سنه نك هانكي اينك هانكي كوننده مصرده سليم اولك يد همتنه كچوب تعالى يه باشلاديني خاطرليه مدم . نزد مده مراجعت ايده جك كتب تاريخيه دخي يوقدر .